



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Episcopo VVaradien.

**urn:nbn:de:hbz:466:1-20006**

duximus nominandos. Quia verò non est facile prænominatis fratribus pro singulis injuriis ad nos habere recursum, fraternitati vestra per apostolica scripta præcipiendo mandamus quatenus de prædictis malefactoribus & aliis tam Clericis quam laicis, quos ipsi vobis expriment nominatim, qui bona monasterij & domus Eleemosynæ, quam ad ipsum spectare dignoscitur, detinere aut eorum antiqua jura præsumunt nequiter violare, cum ab eisdem fratribus fueritis requisiiti, nisi priùs commoniti congrue satisfecerint de commissis, coram vobis faciat appellatio remota justitiae plenitudinem exhiberi, & quod statueritis faciat per excommunicationis & interdicti sententiam observari. Si quos autem in monachos ejusdem cœnobij Clericos, vel converlos, manus sacrilegas inveneritis injecisse, ipsos excommunicatos nuncietis, & faciat ab omnibus tamdiu evitari, donec passis injuriam satisfaciant competenter &c. vestiarum &c. Datum &c. Idibus Iunij.

## EPISCOPO VV ARADIEN.

*Epiſt. 269.  
Vt ad ſedem  
apostolicam  
veniat abſol-  
vendus.*

**S**ignificavit nobis venerabilis frater Noſter S. Archiepiscopus Colocen, quod cum ipse pro quibusdam criminibus tuis in te excommunicationis sententiam protulisset, tu in absolitione tua te confessus es eadem crimina commisſe, & confessionem tuam redactam in scriptis ſigillo tuo proprio roborasti. Ipſe verò tibi ſub debito praefiti à te juramenti mandavit ut apostolico te conſpectui praesentares, dignam à nobis pœnitentiam recepturus, & uſque ad Nativitatē beatæ Mariæ proximò venturam iter arriperes veniendi. Ne igitur transgressor tuæ fidei videaris, qui teneris etiam quod simplici verbo promittis, ducere ad effectum; fraternitati tuae per apostolica scripta mandamus quatenus uſque ad prædictum terminum cum ejusdem Archiepiscopi literis ad nos iter arripias veniendi, & apostolico te conſpectui repræſentes. Datum &c. XVIII. Kalend. Iulij, Pontificatus nostri anno primo.

ILLUSTRIS REGI  
Vngarie.

*Epiſt. 270.  
Quod viginti  
viros ad terren  
sanctæ limma*

**S**pecialis dilectionis synceritas, quam circa progenitores tuos Ecclesia Romana confuevit habere, & præroga-

tiva devotionis quam illustris recordationis B. pater tuus exhibuit apostolica ſedi, nos admonent propensiūs & inducunt ut te ſicut specialem Ecclesiæ filium ſpecialiū ſhōremus & exaudiamus in illis quæ ad honorem tuum & pacem regni tibi crediti non ſit dubium \* provenire. Sanè ſignificasti nobis quod cum nondum proſuſ in regno Vngariae fuerit ſedata feditio, quin adhuc quorundam animi præterita turbationis motibus excitati murmurant in occulto, guerram potius quam pacem amantes, dilecti filii Comitis Mozonis & quorundam aliorum, qui ad visitandam terram Nativitatis Dominicæ crucem ſibi dominicam affixerunt, confilio indiges, donec tibi & regno tuo plena fuerit concordia reſtituta. Nos igitur honoris tuo paterna volentes affectione consulere, ſerenitati tuae auctoritate præſentium indulgemus ut prædictum Comitem Mozonem & alios quos de his qui crucem ſumpererunt tibi utiliores videris, & quorum conſilium & auxilium tibi cognoveris potius opportunum, uſque ad vi- ginti, quandiu tibi propter turbationem regni neceſſarium fuerit, retineas: ita tamen quod pro dilationis beneficio aliquid dignum Domino recompensent. Nulli ergo &c. Datum &c. XVI. Kalend. Iulij.

## NOBILI VIRO A. DVCI.

*Epiſt. 271.  
De regni Vng-  
arie laudibus &  
ne Regi belum  
moycat.*

**E**a ſemper Ecclesiæ Romanae regnum Vngariae devotio cotinuit, illa ſemper dilectionis synceritas Ecclesiam eidem regno coniunxit, ut apostolica ſedes regno ipſi tam in ſpiritualibus quam temporalibus paternæ ſollicitudinis affectum curaverit impertiri, & regnum ipſum à fide ac unitate ſedis apostolica nulla recesserit tempeſtate. Inter ceteros autem qui eidem regno diversis temporibus præfuerunt, illuſtris recordationis B. quondam pater tuus Ecclesia Romanae devotior extitit, & ſe ac regnum ſuum in illius neceſſitatis articulo exponere nullatenus formidavit quo tumefcentibus schismaticorum coribus nostri pifcatoris navicula tumultuosis fluctibus jaſtabatur. Vnde nos & prædeceſſores noſtros tanto amplius ad idem regnum ſervandum in ſtatutum felicitatis antiquæ affectus hominis interioris induxit, quanto fervorem fidei & synceritatis constantiam ejusdem patris tui